



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

LXXV. Roboam[us] stultus Salomonis filius.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

mis infelicem addicunt sempiternis ; sunt , qui ce-  
 lerum pœnitentem , piorum in sedes evectum au-  
 tumant ; sunt denique , qui neutram vergentes in  
 partem , sibi non *liquere* ajunt. Nos cum ijs senti-  
 mus , qui Salomonem , pœnitudine commissorum  
 expiatum , cælo donant ; interim ejus nobis per-  
 culo timentes , qui sub extremum navigationis de-  
 licissimæ cursum , ad blandos Sirenum scopulos im-  
 pactus , adeò luctuosum naufragium fecit ; post-  
 quam anno ætatis decimo nono clavum imperij as-  
 sumpsit , quadraginta annis tenuit , anno demum  
 sexagesimo cum vita reliquit , ad sæcularem , ut  
 graves viri scribunt , ætatem perventurus , si ve-  
 næ libidini moderari voluisset. Nam voluptas  
 nervat corpus , & corpus animum.

NARRATIO LXXV.  
**ROBOAMUS STUL-  
 TUS SALOMONIS FI-  
 LIUS.** 3. Reg. 12. & 14.  
 Annis Mundi 3060. 3063. 3064. 3076. Anni  
 Chr. 993. 990. 989. 977.

**I**N adagijs fertur : è squilla non nascitur rosa ; nec  
 mala ex arbore boni leguntur fructus : nec tur-  
 bido de fonte limpida hauritur aqua. Ita etiam  
 de corrupto Parentis sanguine non nisi stoliditas  
 profluxit Roboami , qui defuncto Salomoni suc-  
 cessit in Principatu anno ætatis quadragesimo [ nam

num hunc masculum è tanta fæminarum colluvi-  
 one susceperat Salomon. ] multorum genitoris  
 scelerum heres , *gentis stultitia* , cuius argumen-  
 tum luculentum ipso statim regni exordio de-  
 dit. Nam cùm *Ieroboamus* , de quo suprâ men-  
 tio facta , ab exilio à proceribus revocatus , no-  
 mine populi , in Comitij *Sichemi* congregati [ ubi  
 Roboamo regnum communibus erat suffragijs sta-  
 biliendum ] suppliciter peteret , onus tributorum ,  
 quò Salomon nimium quantùm subditos presserat ,  
 relevari ; plurimum enim impensarum & operæ ,  
 cum in Templo & regia domo ædificanda , tum in  
 instauratione multarum civitatum , & varijs uxo-  
 rum fanis exstruendis exhaustum esse ; evacuari æ-  
 raria Principum , cùm subjecti enervantur ; daret  
 hoc suorum fidei amorique , & contracta immodica  
 sumptuum profusione , non modò Regem sese , sed  
 patrem quoque meminisset. Paratiores habitu-  
 rum in omnia jussa popularium animos , si intellige-  
 rent , Principem non minùs populi commoda ,  
 quàm suum fastigium spectare. Rex auditis popu-  
 li postulatis , geminam laudem , humanitatis & pru-  
 dentia , in eam diem tulit ; triduò namque ad deli-  
 berandum sumptò , réque sapienter ad seniorum  
 [ quos ætas & experientia Salomoni quoque paren-  
 ti commendârat ] consilium delatâ , eorum senten-  
 tiam exquirat. Qui cùm suaderent , ut regni au-  
 spicia à clementia peteret : esse populum ad obse-  
 quia ducendum , non trahendum ; haud ullum ma-  
 jus regnorum præsidium , quàm subjectorum bene-  
 volentiam & studium , sine quibus nulla potentia

diu stare possit ; violenta imperia neminem continere diu , moderata durare ; regium dominatum liberæ voluntatis inventum esse , non timoris aut violentiæ partum ; indignum se regno præstare , qui ut regnet , vi utatur : infirmum coronarum cultum , metum : nihil cogi minus posse , quam fidem & amorem : faciliè subire odium & perfidiam , ubi semper metuuntur graviora ; & Salomonis parentis dictum fuisse : eum , qui vehementer emungit , elicere sanguinem. Prov. 30. quem quisque odit , etiam perditum cupere. Remitteret igitur aliquis de rigore , & posito tantisper fastu regio , ad captandam multitudinis gratiam se accommodaret.

Sententia haud dubiè tam necessaria præsentibus statui , quàm in futurum utilis , si locum apud arrogantem animum reperisset. Aspernatus igitur saniora suadentes , convocat in senatum juvenes , ut ætate , sic stolidâ ferociâ æquales ; & expositò seniorum consiliò , quid ipsis videatur , proferre jubet. Illi , partim ut spiritus elatos magis inflarent , partim ut assentando , Principis sibi gratiam conciliarent , afferunt , indecoram esse majestati lenitatem , & metu defectionis ad populi arbitrium inflecti ; nunquam sine periculo firmum stare capitis decus , si , qui timere debeant , timeantur. Multa vi & metu extorqueri , quæ mititate non queant ; sæpe vi frangi , qui jure nequeat flecti. Primam artem regnandi esse , odia contemnere. Libertatis affectationem , & novi jugi impatientiam , imperijs frenandam ; eadem fronte gestandam galeam , quâ diadema fulget ; ut Rex cogat , quem timet : populus timeat , quem non amat. Reverentiam ex metu

tu crescere, nunquam plures fieri cœlo supplices, quàm cùm tonat & fulminat. Quid filium par sit facere, Salomonem sapientissimum exemplis docuisse. Ad potentiam Principis pertinere, ærarium opibus instructum; nec attendendum, quomodo id augeatur, lubentibus, an invitis subditis, modò augeatur. Vecordi multitudini per exactiones & tributa detrahendum sanguinem, ut etiam volens, non possit furere. Quibus, aliisque in medium allatis, auctores fiunt Roboamo, respondendi ad populum *Minimum ipsius digitum esse crassiorem, quàm patris lembi fuerint*; & si ab ipso duriter habitos se putarent, durius etiam in posterum tractandos esse; si scuticis cæsi fuissent antea, nunc aculeatis scorpionum flagris conscissum iri.

Delectatus Rex feroci juvenum oratione, postquam tertia die populus ad audiendum convenit, omnibus expectatione suspensis, & benignitatem à novo regni capite sibi promittentibus, omisso meliorum consilio, è sententia imperitorum respondet, & Ahiaë vatis præsagium implet; qui Salomoni discessionem imperij, sub ænigmate pallij, quod superius memoravimus, decem in partes scissi, prænuntiârat. Irritatus namque superbò responsò populus, per indignationem, uno ore exclamant: nihil sibi futurum ampliùs cum Davidis progenie: haberet ipse Templum, quod pater extruxisset: se religioni, fortunisque suis aliâ viâ consulturos. Sensit hinc Roboamus, quantam securim injecisset in Domum, & Imperium suum; adeoque recenti vulneri medicinam facturum, magis etiam exasperavit malum. Destinât ad placandos vulgi animos *Aduram*, seu *A-*

*donivam*, quæstorem regium; quod erat oleum flammæ addere; seu potius unguem in ulcere figere. Quippe qui ob acerbis exactiões adeò curctis erat invisus, ut solo ejus conspectu concitati in furorem, ne auditum quidem, lapidibus obruerint. Quò factò, Roboamus ratus, id quod erat, se in mulo saxi impetum, veritúsque, ne conceptum semel odium in ipsius caput effunderetur, trepidè conscenso curru, quanta potuit festinatione, *Sichem* [ Urbs erat in Regni umbilico sita ] Hierosolymam properans, comitijs finem non minore decore, quàm damno imposuit; duabus duntaxat tribubus, *Judæ & Benjaminis* eum sequentibus; reliquos decem non ab Rege modò, sed à Sacris quoque partibus; recedentibus. Imperium hi ad Ieroboamum detulerunt, virum multâ rerum experientiâ clarum & Ægyptio Regi *Sesaco*, affinitate junctum.

Disjunctis hunc in modum animis, virisque quid nisi bellum expectaretur? Roboamus jam serò sapiens, lustratis duarum, quas dixi, tribuum urbibus, & omni significatione lenitatis ac indulgentiæ devinciens sibi, aut devinctas retinens popularium mentes, centum octoginta millia bellatorum contraxit, ad Sichemum, ubi Ieroboamum regiam sedem constituerat, expugnandum. Semulabat militares fortissimarum tribuum animos vindictæ ardor, & ignominia amissi regni, certamque victoriæ spem faciebat cum bonitas causa [ nam contra rebelles res agenda ] tum robur ingentis exercitus. Cùm ecce, DEO visum aliter; quod non modò collectas copias à pugni cupiditate avertit, sed etiam terrorem, & victoriæ desperationem

per *Semeiam* vatem iniecit, nomine supremi Numi-  
nis Roboamo denuntiantem, ut revocato milite,  
vim hostilem à Ieroboamo abstineret. Morem  
Rex gerit promptum, in summa rei bene gerendæ  
opportunitate, & re, coronatis capitibus impri-  
mis, ardua; de imperio enim decertabatur.

Solutus belli timore, ac curâ Ieroboamus, DEO  
pro gratijs reddit malefacta; duos ex auro conflat  
vitulos, populôque colendos proponit, quod in se-  
quenti narratione, pluribus exponemus. Interea  
Roboamus multus erat in civitatibus suis instauran-  
dis, & contra belli impetum permuniendis. Ad  
quem Hierosolymis degentem, ex omni Israëlita-  
rum ditione confluerunt Sacerdotes, ac Levitæ;  
& quotquot vel cura veræ religionis, vel offensio  
tyrannidis Ieroboami [ etiam invitos ad idolorum  
cultum adigentis ] tangebant, se cum sedibus suis, ad  
avitam pietatem, referebant, auctis inde non me-  
diocriter regni Roboamici viribus.

Sed non ultra triennium tenuit ea Regis prospe-  
ritas; nam eô temporis circumactô, primùm ipse  
quoque Roboamus, genitoris institutô, densat sibi  
cubilia: ductisque primæ dignitatis uxoribus de-  
cem & octo; concubinis autem sexaginta: filios vi-  
ginti gignit & octo, filias sexaginta. Simulque  
has inter voluntates, desertô vero Numine, fictos  
ad DEOS, insanus desciscit. Nec eô contentus,  
Iudæos etiam, & Benjamins in scelus pertrahit;  
impiëque, quod vitæ reliquum erat, transcurrens,  
regni decem ac septem peractis annis, ad plures, sui-  
que similes abit. Causa ei defectionis à DEO, mu-  
lieres, quemadmodum Salomoni, fuerunt, *Naama*  
præ.

præcipuè mater, ex Ammanitis oriunda, & *Macha* uxorum ut charissima, ita in nefas omne pellacissima; qua annitente, luci certatim super omnes colles plantari, aræ, statuæque dedicari, & inter alia idola, etiam spurcissimo *Priapo* sacrificari; ipsa reginâ, prô pudor! inter effeminatorum greges, sacrilegæ obscænitatis sese ducem, & nefandi Sacerdotij antistitam profitente.

Verùm DEUS hanc contumeliam, per *Sesacem* Ægyptiorum Regem, [ quem *Sesostrem* Herodotus nominat ] ulcisci non distulit. Hic quindò Roboami annò, partim immissu Numinis; partim invitatu Ieroboami [ sive ut attritis Roboami viribus securius ipse regnaret, sive ut regnum Iudæ, conjunctis armis sibi subijceret ] cum mille ducentis curribus, & sexaginta millibus equitum, longèque copiosiore peditatu sese Palestinæ infundit, flammis omnia & cædibus vastat; expugnatisque Iudæ civitatibus munitissimis, ipsam Hierosolymam obsidione cingit, Non est ausus Roboamus hosti, signis infestis occurrere; malè quippe conscius deserti Numinis pectus, fortitudinem omnem excusserat, neque plus firmitatis in populo fuit, DEO, perduellibus antiquum robur adimente. Igitur metus extorquet, quod pietas non poterat; animi, confilii que inopes sese circumspicere, ad DEI, à quo indignissimè defecerant, opem recurrere, cœlum votis precibusque pulsare. Terrorem auxit Propheta *Semeias*, qui trepidantibus superveniens, minas minis addidit: & ultima quæque teterrimis Religionis desertoribus denunciavit. Hic illi magis etiâ consternari: léque confitentes reos, in pœnas com-



meritas offerre. O miram Numinis clementiam !  
 audiuntur supplicationes ingratiſſimorum mortali-  
 tum; & quia in magna ſcleratiſſimæ gentis collu-  
 vie, non deerant innocentes animæ, DEUS harum  
 ſupplicij placatus, non paſſus eſt nocentes extrema  
 clade involvi. Deditur urbs hoſtibus, ea tamen  
 conditione, ut cædibus, incendijs, rapinis, DEI  
 præſertim Templo parceretur. Verum Seſacus  
 pactis non ſtetit, ſed deprædatus templum, theſauròs  
 cum DEO ſacros, tum regioſ expilavit; expor-  
 tata auri argentiq̃ue magna vi, ablatiſ nominatiim  
 clypeis, quos Salomon ex auro procudi curaverat;  
 pro quibus Roboamus æneos ſubſtituit, Templum  
 adeunti, à ſcutigeris præferendos. Ad eam jac-  
 turam ingens civium planctus extitit, felices lacry-  
 mæ, gemituſque; ſi ex caducarum rerum detri-  
 mento, fidei ac pietatiſ damnũ æſtimare didiciſ-  
 ſent. Nam vel non ſerium, vel haud firmum, ſta-  
 bilemque fuiſſe pœnitentium dolorem, ex eo pa-  
 lam fit, quòd Roboamus, inſtinctu matris impiæ,  
 mox ad Sacra deteſtanda redierit, tantò majore ſa-  
 crilegio, quantò graviore Benignitatiſ divini con-  
 temptu. Deceſſit è vivis, exactà octo & quinqu-  
 ginta annorum periodò, ſcleribus ſuiſ immortaluſ.  
 Perditioniſ ei cauſſa præcipuæ, quòd diximus,  
 Naama parens, quæ pueritiã ejus corrupit: & Ma-  
 acha conjux, quæ juventutem depravavit; cujuſ  
 amoribus etiam hoc dedit, ut *Abiam*, ex ea ſuſce-  
 ptum, regno deſtinaret, reliquiſ filiis, tametiſ natu  
 majoribus, prætermiſiſ. Ita per eos ſæpe pereunt  
 filij, à quibus pariuntur.

NAR-